

# TEMBIKUATIA ÑEMOMICHIVAE

2014pe korepoti okuakuá opaete rupivae oupitiéchaguá 3,3%. Kuae arasa oasavaepe oyekuá oime ramo mbovi Tétaguasu reta mbegueyae okuakuá ikorepoti, kuae oasako jokuae Tëta reta jaeramo okuakuá ñoguinoivaerupi. Erëi ñamae yave kuae korepoti okuakuavaere jaeko estadounidoigua, kuae oasako mokoía mboyasipe jare mboapia mboyasipe, oaguire arasa oyemboipiramo yave. Yandepuerevi yae kuae Zona Europa rupi mbegueyae okuakuá jare Japonpe oñemomichivi ikorepoti reta mbite arasa oasavae rupi.

Kuae korepoti mbaraviki opitako ivi rupi jare mbaeti ipure uguata kavi tenonde oasako Rusia ikorepoti mbegueyae uguata ramo jare jaenungavi kuae oasa tétaguasu reta latinoamiricapegua rupi, Brasilpe jare Argentinape, jokuae mbaeti omaeño oime vaëra korepoti iya reta oparaviki jare jepi rupi oyekovara korepoti oyeporuka yave. China ikorepoti jaenungavi mbegueyae uguata, mbaeti ramo jeta rupi korepoti iya reta omombaraviki, ogueyivi imbaeyekou reta ikatu koti omeevae jare jaenungavi mborokuai reta oyeyapo katu ramo. Kuae ipitepe, Vorivia iparaviki korepoti ndive okuakuá opaetevaegui kuae Sudamericape.

Opaete mbaembae oyeporuyaeveve reta jepi opita jenda rupiño jare ogueyivi kuae 2014pe. Ñamae yave kuae mbaembae jepi ogueyivae oikoko arasa mbite oasama yaveguive kuae oasako mbaeti mbate ramo korepoti reta oyemombaraviki kavi jare korepoti estadounidoigua oyeupi ramo irü tëta reta ikorepotigui.

Kuae jekopegua, mbaembae oatavae opaete rupi ogueyi nunga. Korepoti jekopegua mbae oatavae oyemboyovake yave 2013pegua ndive jeta rupi guinoi vae reta oyovakeseriño opita, erëi katu jokuae korepoti mbaeti jeta rupi guinoivae ndive igui rupiyae opita arasa oasavaegui. Kuaepe, opaeteseri banco central reta jeta korepoti guinoivae rupi jekuaeño imae oiko vaerä tuicha jare ojo vaerä ovaë opaete rupi oyapo vaerä mbaraviki echa jayaveño ipiratata ikorepoti reta. Erëi kuae FED jeevae mbaetitama ogua mbae tuichavae jare jepivae reta, jokuae oipeaye yoaka korepoti oyekovara oyeporukavae regua ogueyi jepi.

Korepoti mbovi oimevae rupi jare jeta oimevae rupi, kuae mbaembae oatavae opa oyoaviavi. Erëi, America Latina, Venezuela jare Argentinape jekuaeño oyekuá oyeupi mbaembae reta oatavae, jokogui oï Uruguay jare Brasil, jaeramo kuae Tétaguasu reta rupi opaete mbaembae reta oatavae oyeupi. Chinape kuae mbaembae reta oatavae jenda rupiño opita.

Añavae ñamae yave korepoti Voriviepegua, 2014pe iparaviki ikaviyaeko jare oyekuá okuakuá 5,4%pe, jare jaeko opaete irü tëta retagui ivate opita kuae Sudamericape. Mbae guirokuaveëvaepe , opaetevae oyapo mbaraviki okuakuá vaëra, erëi oyekuá kavi vae jaeko kuae Industria Manufacturera jeevae, Servicio de Administración Pública, Transporte jare Comunicación pegua reta, Agricultura jarevi Petróleo Crudo jare Gas Natural jeevae. Ñamae yave mbae yaguavaere, kuae tetaigua retañoko oyapo mabaraviki ipuere vaerä korepoti oyeupi, echa jetarupi mbae ogua reta, jaenungavi oñemomirata opaete mborokuai reta ipuera vaëra oñeimae kavi jare jeite oyeporuka korepoti mbaetima jepiete oyekovarata ramo, jare okuakuá vaëra mbaaguiye reta jare oime vaeräma opaetevae o guinoi.

Ñamae yave keräirako opita kuae SPNF 2014pe ogueyivae oupitiko 3,4% PIBgui, kuae oasako jeta rupi mbaere oyemondo korepotivae jare irü reta jaeko tekoavai reta oime

## Tembikuatia Ñemomichivae

yave ofemee yomborivaere jare mbaeti mbae ofearo oyeapovaerä oyeyapo yave. Kuae SPNF ikorepoti okuakuáko ofemee ramo kuae hidrocarburo reta, renta interna jare aduanera jeevaere jarevi mbae yekou reta ofemeevaere kuae bienes jare servicios jeevae.

Ikotiavae ndive yambovovake yave, 2014pe opaete korepoti reta irü tēta rupi oivae jaenunga ikavi rupi oēye mbaraviki reta, jokuae guiraja ivate rupi ofono opaete korepoti reta ofeñovatuvae kuaeko cuenta corriente jeevae jare jaenungavi cuenta capital jare financiera jeevae, kuae reta ofonoka ivate rupi opaete mbae reta oyemboepivae irü Tētaguasú reta rupi. Kuae cuenta corrientepe yandepuere yambotuichavae jaeko oime korepoti ofeñovatugue oyekúá jare cuenta capitalpe jarevi financierape omboivate IED bruta jeevae echa tenonde rupi mbaetí koräi oasa. Erēi katu opaete jokuae jetarupi mbae yekou oimevae jare kuae cuenta corriente reta oyekuavae michi nunga arasa reta oasa vaegui, echa mbaeti nunga ikavi oyeyapo mbae oyepoepi yave jare mbae jeta rupi oyereru ikotiagui ramo jarevi jeta rupi korepoti oyemondo mbae oyeguaguerevae ramo.

Jokoräi ramo, opaete mbae yekou reta ofeñovatu irü Tētaguasú reta rupivae oyeupi arasa 2013pe oikovaegui \$us693 MMpe, arasa 2014 opa iyapi yave ojo oupiti \$us15.123 MMpe. Ofējaá yave kuae RIN/PIB oupitivae jaeko (45%), yandepure yae jaeko ivate opita opaetevaegui jare jokuae ramo jenda rupi kavi mborokuai kuae regua jare korepoti reta mbaetivi oata.

Mbia opaetevae imbae ikotiá opitavae imakatu arirepegua jare ima arire pegua araēti 2014pe oupiti 17,3% PIBgui. Kuae ñejaa reta oechaka mbia ikotiá oimevae michi nungañoma karambue oimese mbia reta oikose irü Tētaguasú reta ndivevae; jokoräiñovi, oimema iyipi ikavi ñanoi irü tētaguasú reta ndive yayemboyukave yave korepoti ñanoivaepe jare mbaeyamboepivaepe.

Korepoti yaechavaepe oyekua oyeupi 11,8%pe, ofearo ojovaerä tei oupitivaegui kuae jaeko (13,3%pe), jare jupi rupi kavi. Irü jaeko, oyemboepi yande korepoti kuaeiguaiño MN pevae jekuaeñovi yandepuere yaecha oyeupi ivate yeye rupi opaetavaegui, kuae oipota jei jaekuaño oguata kavi kuae yande korepoti voriviaigua.

Kuae korepoti ndive mbaraviki oyapovae reta jembiapo yandepuere yae jaenungavi ikavi kuae arasa. Korepoti ñovatu ofemoirü mbegue rupi kavi jare oyekúávae jaeko korepoti oyeporukavae ofemoirüasi kavi kuae arasa reta jaeramo oasavaepe jare kuae ojoko opaete kianungañavo oparaviki koo rupivaepe. Irü rupi, yandepuere yae opaete korepoti mbaraviki reta oyeyapoko yande korepoti kuaeiguaipeño ndive jare jokuae ramo iparatä kavima.

2014pe kuae oata mbaevae oaguata jenda rupi kaviño, oime tei mbae oasa arasa mbite rupi jare iyapi rupi jaeko oime jeta rupi mbae guirokuaveē yave jayave oatanunga kuae tembiu reta (cevoya, tomate, papa, guaka soo jarevi uru soo). Koräi, mbae oatavae opa omboapi arasa 5,2%pe, ofearo oyeupiti teivaegui igui rupi 5,5% jare jaenungavi oasa opaete irü tēta reta igui rupi. Jokoräiñovi, opaete kuae ñejaa reta mbae oatavae regua oiko jenda rupikaviño opaete kuae arasa rupi, mbaeti reve oime ñemiro mbae oatasivaere. Kuae ikavi oyeparaviki mbae oata vaeregua oyeyapoko opaete mborokuai reta oime jaekavi jesegua ramo jare yasoropai Mburuvicha reta kuae tēta peguape jare BCBpe oyapo pavē reta mbaraviki ramo.

Mborokuai korepoti mbaraviki oyeyapo vaerävae, oiko ima rupi jendarupiño ipuere vaerä mbae oatavae michi rupiño oí jare opita jenda rupiño vaerä jare jokuae ombokuakuata korepoti mbaraviki reta oyeyapo pavē vaerä mbae omeevae ndive jare Mburuvicha reta Organo Ejecutivo pegua ndive. Tenonde chiu yasi reta rupi, kuae mborokuai korepoti mbaraviki oyemboeteuka ou mbegue mbegue rupi arsa 2012 guivema aguiye vaerä

## Tembikuatia Ñemomichivae

oime mbae oatayé. Mboapi yasi jokuae guire jaenunga oyeparavikiyé opaete rupi ojo vaerä tenonde jare oyeyapo katu mbae ikaviämi oivae jayave ngaraa jeta rupi oyekovara mbia retare. Araama jare araëti rupi, oñekatiroko aguiye vaerä mbae oata echa jokuae yasi rupi jeta mbae oyegua jare jaenungavi oime oë mborokuai raimi korepotire oñeangareko kavi vaerä. Kuae mborokuai jekopegua, opaete arasa kuae mbae jepi reta oiko jenda rupikavi jare oime vaerä oyeyapo korepoti mabaraviki reta. Kuae jekopegua, oñemae oyeyapota vaerävae oyeupiti ayeapeä yae. Kuae mbaraviki reta oyeyapoko mborokuai omee Organo Ejecutivo jeia rupi kavi ipuere vaerä oñemae kavi aguiye vaerä oime mbae omeevae reta oyopokou oasa rami arasa mbite jare iyapipe rami.

Mborokuai reta oyepoepiyaevae regua, arasa 2014 rupi yaipoepi vaerä korepoti irü têtapegua reta ndive mbaeti jepi osiri, jokuae oipota jei yande korepoti voriviaigua jeite ñamomirata. Jokoräiñovi, kuae ombori opaete kianungañavo jeite oyeko vaerä yande korepoti kuaeiguare, mbaeti reve okiye oipoepi yave irü têta pegua korepoti ndive omokañi vaerä aniramo ogueyi vaerä jepi. Kuae teko reta omaeñoavi jeta rupi mbae oatavae oyererugue ikotiaguivae jepi, echa oyeparavikikaviko jesegua aguiye vaerä oata mbae oyererugue. Jokoräiñovi, BCB jekuaeñoavi oparaviki kianunga reta oipota yave omee jare ogua korepoti dólar estadounidenseiguani ramo oipoepivaerä yave.

Irü rupi, oyeyapo yave mborokuai guasu CPE jeia rupi jare kuae mbaraviki piau korepoti regua nuevo modelo social productivo comunitario jeevae, kuae korepoti omeevae reta jekuaeño oporombori jeite okuakuä têtara reta vaerä korepotipe echa kuae korepoti imeea reta oipoepimi iparaviki: omeevi korepoti EPNE jeevae retape ipuere vaerä ombori iparavikire, jaenungavi omboasa korepoti ikavi oyapo iparaviki ramo RIN jeevaepe ipuere vaerä omboepi bono Juana Azurduy, omeevi bono kianungañavo oipota ombokuakuä ikorepotivaepe jare jaenungavi mborokuai korepoti yopoepi regua jei rami oparavikivae retape.

Ñemae okuakuä vaerä korepoti reta opatei rupivae 2015 jare 2016 peguarävae oechaka michimipe oyeupi raimi (3,5%pe tenonde jare 3,7%pe taikue). Irü rupi oñearo kuae ñanerëta ikorepoti okuakuä jare ipiräta rupi koï 5,0%gui kuae 2015pe. Kuae ñekatirö oyeyapoko keräi oyeporu rupi kuae ñanerëtape, jaeko kuae omombaraviki reta ikorepotivae. Mbae oatavae regua, kuae arasa 2015 iyapi yave oñearovae jaeko oupiti vaerä 5,5% rupi.

BCB iparaviki korepoti regua jeakuaeñota oyapo yombori guiropiambae reve mborokuai, jokuae ipuereta opaete mbae jepi reta jenda rupi kaviño oikota jare ngaraa mbae oata jeta rupi jayaveño oimeta jeta mbaraviki reta korepoti regua. Kuae jeko pegua, MEFP jeevae jare BCB, oyapo reta ñemongeta 11 (pañadepo metei) yaguiye 2015pe oyapo pavë vaerä mbaraviki Programa Fiscal-Financiero 2015 jeevae, jokope jei reta kuae arasape opaete mbaraviki reta korepoti regua oyeyapovae omaeñotaä oime vaerä mbaembae reta oata. Jokoräiñovi, ojaä reta iyeupe aguiye vaerä oa mbiape, oñemoña vaerä opaete CIN jeevae BCB pegua, CIN jeevae SPNFpe, oime vaerä korepoti guinoi jaeiño, jare aguiye vaerä oime RIN jeevae, kuae oñemaeko jeta rupi korepoti oiporu reta ramo.

Ñamae yave jae iparavikiretei, oime oyekua oyapo reta mbovi mbae mbae yandepuere yae oyapo ñemongeta jae reta irü ndive kuaeko mbaraviki jae reta oyapo rami oyapovae ndive, Tëtaguasü reta ñanerëtaguasü iyivi rupi yoguinoivae ndive, yemboati reta ñaneretapegua, Mburuvichaguasu reta ndive, mburuvicha reta yande yaiparavovae ndive, oparavikivae reta iyemboati, korepoti mbaraviki oyapo retavae, yemboe omee retavae ndive jare opaete kianunga reta oparavikivae ndive.

Irü rupi, oñemomirata vaerä kuae tembiporu oyemboepi pipe vaerävae, BCB oyapo jare oñono kuae tembiporu Liquidación Integrada de Pagos jeevae ipuere vaerä omometei

## Tembikuatia Ñemomichivae

opaete korepoti mbaraviki reta oime kuae ñanereta guasupevae. Kuae jekopegua, kuae tembiporu oyapo mbaraviki kuae arasavae jaeko 3,7ye kuae PIB guinoivae.

Oeka keräi oyapo kavi mbaevaepe jare oime vaerä oñeñovatu mbae yekou reta irü Tëtaguasü rupi, RIN jeevae BCB pegua omondo jare ome korepoti ipuere vaerä omboepi tenonde rupi mbia reta oikovae, ikavi rupi, oñeñovatu vaerä mbae yeukou reta jeta rupi oime jare oupiti vaerä opaetevaepe. Ombotuicha mbaraviki ipueretei mbae oasavae jaeko kuae Basilea II jeevae ndive oyapovae jare ikavi mbaraviki oyapo omboepi vaerä jare oikuatia vaerä opaete korepoti oñovatuka irü Tëtaguasukotivae regua.

Mbaraviki korepoti regua, kuae ñaneretape jekuaeño oñemomirata vaerä yande korepoti jare okuakuá vaerä, BCB oyapovae jaeko oekiyé korepoti tupapire “J” ndive jare oimevi yandepuere vaerä yaikuá keräi kavirako kuae korepotivae.

Korepoti omeevae reta iparaviki jesäka vaerä jare oime vaerä yaikuá keräirako oyapo reta mbaravikivae oikaukako opaete ñaneretaguasu rupi jare jokope yoguiraja omae opaete kianunga reta ikirëivae, imiari reta keräirako oí yande korepoti retavae jare yaipoepi vaerä, keräi kavieteirako oñeangareko mbae yekou ñanoi okotiavaere, jare opaete mbae omboepi retavaere.

Irü rupi, BCB jekuaeño oyapo mbaraviki kianunga reta ikirëi oyapo opaete mborokuai BCB mborokuai guinoivae ndive. Kuae ramo, aratini yasipe oyeyapo VIII (juria) Jornada Monetaria jeevae ipuere vaerä imiari kuae “mbae yekou oime ivipevae maera rako ikavivae regua”, aravitu yasipe jaenungavi oyereraja chiua Economista Vorivia pegua reta Iñovaitiguasu tëta La Pazpe, imiari vaerä “mbaerako oyapo Estado Plurinacional korepoti okuakuá vaerä”. Jokoräiñovi, oyeyapo yemboe yeporaka korepoti mbaraviki regua, oyeyapovi irü yemboe reta jare jaenungavi oyemboipiye “Ñemomiari korepoti regua”. Jaenungavi oyeyapo chiua Ñemoamiri Oyapo vaerä Oyemboevae reta kuae “Modelo económico, social, comunitario productivo regua”, jare irundia Ñemomiari Teatro regua, keräiko “Oñeima kavi opaete korepoti reta jembireguevae”.

Opaete mbaravikimae korepoti regua oyapo kuae Pricewaterhouse Coopers S.R.L. jeevae, jei opaete jokuae mbaraviki reta oyapovae, añetete opaete rupi, kerëiraro mbae yekou reta jare ikorepoti guinoivae, jokoräiñovi opaete irü mbae reta BCB pegua 31 (mboapi mete) araëti 2014pe guinoivae.

Amboapi vaerä, chepuere jaevi kuae korepoti mbaraviki oyapo retavae jaenunga jei retayé oiporu vaerä jupi rupi opaete mborokuai reta oimevae, ipuere vaerä oupiti jae reta oñono oupiti vaerävae jayaveño ipuereta guinoi mbaepuere opaete korepoti retare omborivaerä okuakuá korepoti jare opaetevae kuae ñane rëtaguasü pegua reta.